



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Gothoniel Iudex.

urn:nbn:de:hbz:466:1-11490

darent. Sed plebs cupida dominandi, imperare victis cum 7
pernicie malebat. Igitur cum, relicto Deo, idola cole- 8
rent, destituti divino auxilio, ¹ à rege Mesopotamiæ evi-
cti, & subacti, ² VII. annis ³ captivitatem pependerunt:
denec⁴ GOTHONIEL duce in libertatem restituti, ⁵ per quin-
quaginta annos rerum potiti sunt.

XLVI. Rursumque corrupti longæ pacis malo, idolis ¹
litaverunt. Moxque aderat pœna peccantibus. ⁶ Ab Eglo ²
enim ³

omnibus hisce Idolis & Diis, vide Seld.
de Diis Syris, Vossium in admirando o-
pere de Idololatria.

1 *A Rege Mesopotamiæ.* Jud. 3. vo-
catur Chufan Rishaim, cuius magna
haud dubie potentia; quia ingens ille
inter Eufratem & Tigrim tractus, ארם
באר, Mesopotamia, sive interamnus
Syria. Ac facile apparet nullam tum
temporis Monarchiam Babylonicam si-
ve Assyriam fuisse, quia tanta Regis Me-
sopotamiæ in vicinia, potentia. Hunc
autem חצוסי פרוץ ארם הלאו βασιλέα
vocat Josephus & Procopius, non tan-
tum Assyriæ & Mesopotamiæ, sed & to-
tius Syriæ Regem fuisse vult. Male.
Nunquam enim Assyria sub Mesopota-
mia comprehenditur, cum trans Tigrim
fuerit. Horn.

2 VII. annis.] Corrige VIII. Nam Jud.
3. 8. עת חלו. Drus.

3 Captivitatem pependerunt.] Sic infra:
aliquandiu Salomoni seruitutem pependerit.

4 Gothoniël duce.] Hic primus
שפני, sive Iudicum fuit. Iosiam pa-
ri potestate secuti sunt, qui Prætores
dici dictatoresque poterant, etsi in sacris
Annalibus Iudices appellantur, ratione
haud multum diversa. Flavius Monar-
chas vocavit. Quod nomen etiam Sylla,
Cinna, Mariusque & alii Dictatoribus
Romanis, Græci dedere. Hos iudices
in magnis motibus necessitas creavit;
& compertum est, in bello illis felici-
ter rem semper processisse. Fuit etiam
cum iidem rebus civilibus intenti age-
rent, causasque audirent, sed graviores.
Raro enim pro tribunali sedebant. Ius-

sus modo, imperiumque, & summa rei
ad eos pertinuit. Præter Iudices & post-
modum Reges, Synedria quoque fue-
runt, imprimis magnum concilium
Sanhedrin, in quod ascripti assessores
LXX. erant. *Cum. Hebræis, Tyriis,*
Carthaginiensibus ארם שפני diceban-
tur, κατ' ἐξουχίω summi Magistratus,
quos Græci hic κραταις, Iosephus in
Tyriorum rebus δικαστῆς vocat, Latini
in Punica historia, servato Punico voca-
bulo, Suffetes, αὐτοκράτορες ἡγεμόνες
Iosepho. Viderur autem his temporibus
omissa per incuriam creatio Synedrio-
rum LXXII. quemadmodum & ante Io-
saphati tempora. 2. Paralip. 19. 5.
Itaque ubi tales extra ordinem viros
Deus non excivit, erat dissolutum Re-
publ. corpus, nec quicquam in commu-
ne agebatur. Tribus singulae suas res suo
periculo ac commodo agebant; nisi si
quæ ex usu temporum foedus inter se fe-
cerant. Talis fuit Græciæ status Conci-
lio Achaico, Romanorum artibus dis-
soluta, & Gallia ante Cæsaris tempora:
Germaniæ vero & Britannia multo et-
iam serius. Grotius.

5 Per quinquaginta annos.] Quadra-
ginta est Iud. 3. 5. 11. & apud Ioseph.
Nec interpretes dissentiunt. Salmanti-
censis, *judicavit Israël 40. annis. R.*
Iosé autor Seder Olam, Othoniël filius
Cenax. 40. annis. Sunt qui putant à Sul-
picio adjectos decem annos, quo sic
complecteretur totum tempus, quod à
monte Iosua effluerat. Consule Sig-
onium. Drus.

6 Ab Eglo enim.] Iudic. 3. Hæc
H 4 altera

enim rege Moabitarum devicti, duodeviginti annis servierunt, donec ¹ instinctu Dei, ² Adon, regem hostium ³ dolo interemit, contractoque tumultuario exercitu libertatem ⁴ armis vindicavit. Idem ⁴ per LXXX. annos in pace Hebræis præfuit.

¹ XLVII. Huic ⁵ SEMIGAR successit: hicque ⁶ adversus, Allophylos ⁷ congressus, * secundum eventum prælium fecit. Rursum

altera Hebræorum servitus.

¹ *Instinctu Dei.*] Et hac ratione excusatur Regicidium ejus. Deus enim eum suscitaverat, ut dicitur Iud. 3. 15. Dei jussus efficit ne in exemplum hoc trahi possit, ubi talis Dei jussus non est. Non magis quam quod Abraham de filio jussus est facere, & quod Israëlita res Ægyptiorum abstulere. Brutus qui Cæsarem occidit, paris videtur fuisse animi; sed ei ut divinum imperium, ita & successus defuit. *Grot.*

² *Adon.*] Corruptum ex Aod, id est, A'od, quod hodie in editione Romana Sed & in Hieronymo. Veritas Scripturæ Ahod, videlicet in Ebræo אהוד, quod nunc legunt Ehud. Alibi est Aoth, & in Polycratice Ajoth, lib. 8. cap. 20. Salmanticensis: Anno mundi 2573: cepit Ahod, qui judicavit Israël 80. annis. Hi anni finiunt in anno mundi 2653. Drusius. Iosepho, Ι'δης. Et vero nomen hoc & origine & significatione convenit cum Iuda; ideoque à quibusdam Aod exponitur confitens & laudans, ab *Origen.* Homil. 4. Laus.

³ *Dolo interemit.*] Secreti colloquii copia postulata, ipsum manu sinistra, qua æque utebatur ac dextra, peremit: deinde cæcis Moabitarum x. millibus, populum in libertatem vindicavit. Vide *Iosephum* lib. 5. 5. Qui dicit: *απ'ηξας δ' αυτων ο Ι'δης εις τλω καρδιαυ.* Quod falsum. Nam Scriptura exertim, in ventre cæsum. *Horn.* Aod hostem potius interemit, quam populi rectorem Tyrannum. *Thomas.*

⁴ *Per LXXX. annos.*] Usque ad LXXX. annum à morte Othonielis, quo mor-

tuus est Aod successor ejus. Quare in his LXXX. annis includuntur XVII. anni servitutis Moabiticæ. Quis enim credat Aod LXXX. annis præfuisse Israël, totidemque annis nullum in Israël fuisse bellum? *Eusebius.* Alii.

⁵ *Semigar successit.*] Samgar filius Anath. Iud. 3. 31. In editione Rom. *σμεγαρ*, & apud Iosephum *σενιγαρα*, putarim scribendum *σμεγαρ*. Legitur & Semegar in Origine. De hoc scribit Iosephus quod primo imperii sui, vel potius judicatus, anno, mortem obierit. Salmanticensis, *Samgar præfuit anno uno.* R. Iose, *In diebus Ahod erat Samgar filius Anath, in fine dierum ejus. Eodem tractu temporis, videlicet in diebus Eglonis, accidit historia Ruth.* Drusius. Hunc Eusebius omittit. Et omittitur Iudicum 4. Quia non plene servavit Israël, nec errantes in viam reduxit. Vide Camium. Mentio Sangar & Iud. 5. 6. Quærendum etiam an Semgar judex fuerit. Si servare Israël, & Iudicem esse convertuntur, tum *αναφι* (ὄνητος) judex fuit, & Israël rex. *Drusius ad Jud.*

⁶ *Adversus Allophylos.*] Id est, Philisthæos, quos *ἄλλοφυλλοι* Græci vocant, id est, alienigenas, nomine generis ad certam speciem revocato. ita passim interpretes LXX. *Drus.* Quia alius originis, & ut videtur, linguæ Palæstini à Chananæis, ideo ad distinctionem vocantur *ἄλλοφυλλοι*. Quasi *ἄλλ* dicas. Sicut Gen. 14. *ἄλλ* *ἄλλ*. *Horn.*

⁷ *Congressus.*] Per se solus, ait *Abulensis*, non per socios, ut *Lyra* vult. Percussit de Philistim sexcentos viros vomere,